

حقوقى بىلىپلەر مجموعهسى

هر آيك اون بيشده نشر اولئور

اعتباراً اون کون ظرفنده تعقیباته صلاحیتدار محل محکمه سنده بورجی اولمادینی حقنده دعوی اقامه ایدیه بیلیر . محاکمهی اصول عادیه به توفیقاً جریان ایدر . بورجلی قانونک کندیسنه ویردیکی صلاحیتی استعمال ایتدیکی ویاخود دعواسی رد ایدلدیکی تقدیرده حجز قطعیت کسب ایدر .

رفع حقنده حاکم بش کون ظرفنده طرفینی استماع ایله قرار ویرد . [ماده ۸۲ الی ۸۴] رفع طلبی تعهد ویا بورجک وقوع بولدینی محله کی حاکمه دکل ، تعقیباتک یاسیلدینی محله عرض ایدلک لازمدر .

کوریلور که زده کی حجز احتیاطی و اجرائی تقسیماتی خارجنده اسویجوردهده حجز اجرائی موقت و قطعی تقسیملرینه تابع اولدینی کی رفع طلبلری ده عینی تقسیمه اوغرار . بونلرک حکمراندهده مخالف طبیعیدر . [۸۰ و ۸۱] نجی ماده لرده موضوع بحث اولان حکملر رفع قطعی ، (۸۲ و ۸۳) نجی ماده لرده ذکر ایدیلنلر رفع موقتی افاده ایدر . (۸۴) نجی ماده حکمی یعنی حاکمک بش کون ظرفنده اتخاذ قرار مجبوری هرایکی رفع طلبلرندهده جاویدر .

رفع قطعی لازم الاجرا بر اعلام ویا بوقوتی حائز و ثائق حقنده تطبیق اولنور . بوقراری آلان آلاجنلی بورجلی طرفسندن برکونا اعتراض درمیان ایدله مش کی معاملات اجرائیه بی تعقیب صلاحیتی احراز ایدر .

استانبول اجرا رئیسی

حاکم اوغلی

احمد رفیق

آروقات :

صری صلیح

اصول محاکمه

محاکم عدلیه ایله شواری دولت آرده سنده وظیفه مسئله سی

ایکی نوع قضاتک موجودیتدن متولد محذورلردن بری ده بونلرک صلاحیتنی آیری آیری تعیین ایتمکده کی مشکلاتدر . فی الحقیقه نه کی دعوالری عدلیه محکمه لرینه وهانکیلرینی شورای دولته تودیع ایتک لازم کلدیکی دوشوندیکمز زمان پک قاریشیق بر مسئله

اوکنده بولنديغمیزی درحال فرق ایده بیلیرز. فسادہ کی وحدتی امر ایدن برچوق قونلی سبیلر آرمسندہ بووظیفہ مسئلہ سی پک جالب دقت برخالده کندیسینی کوسترر. چونکہ ایکی نوع قضا آرمسندہ کی وظیفہ اختلافی بعضاً «مغایر عدالت برطاقم نتایجک حصولہ وحقی فقدان عدالتہ منجر اولوق تہلکہ سنی» داعی اولابیلیر. پارس حقوق فاکولتہ سی حقوق اداره مدرسی (رہ نہ ژاکلہن) «قضای اداری کیہہ عائد اولمیدر؟» سرلوحہ سی آلتندہ مجموعہ مزیدہ نشر اولنان قیعتلی یازیلرینک برندہ دیپورک: «قضای اداری، تشکیلاتی نہ قدر منتظم فرض اولنورسہ اولنسون و او تشکیلاتی ترکیب ایدن اعضالک استقلال رایلری حقندہ کی تأمیناتی نہ اولورسہ اولسون، بومؤسسہ نک موقی دون اولمقدن قورتولاماشدر. زیرا تشکیلات عدلیہ نک عمومی قادروسندن خارج قالمقدہ و محاکمہ سائرہ خلافہ اولہرق محکمہ تمیزک یوکسک مراقبہ سنہ تابع بولنالمقدہ در. بری برینہ موازی و یکدیگرندن آری اولقلہ برابر مشترک بر مرجع طالبی بولنایان ایکی نوع قضائک موجودتی مغایر عدالت برطاقم نتایجک حصولہ وحقی فقدان عدالتہ منجر اولوق تہلکہ سنی داعیدر.

برایشک عینی زماندہ ہم محاکم عدلیہ نک ہمہدہ قضای ادارینک صلاحیتی داخلندہ کوراش اولسی فرض ایدیلہ بیلیر. ہر ایکی نوع قضا ایشہ وضع ید ایدرلر و بری برندن تماماً مستقل اولدیقلری جہتلہ طبان طبانہ ضد قرارلر و یرمک موقعدہ بولنہ بیلیرلر. ایشہ او وقت چارہ حلی بولنایان براختلاف مواجہہ سندہ بولنلمش اولور. [حقوقی بیلکیلر مجموعہ سی نومرو: ۹، صفحہ ۵۶۵]. کورولورکہ محاکم عدلیہ ایلہ شورای دولتک وظیفہ لرینی تعیین ایتک خصوصی بر اہمیت عرض ایدن بوبوک بر مسئلہ در. شورای دولتک ایفای وظیفہ ہ باشلامسیلہ برابر بو مسئلہ نک تطبیقاندہ پک یوکسک بر علاقہ جلب ودعوت ایتدیکنی کوردک. اخیراً مشغول اولدیغمز بر دعوا مناسبتیلہ بو مسئلہ ایلہ تماماً قارشی قارشی بہ کلدیکمز ایچون محاکم عدلیہ ایلہ شورای دولت آرمسندہ کی وظیفہ مسئلہ سنی اطرافیلجہ تدقیق وتبع ایتک لازم کلدی. ایشہ آشاعیدہ کی سطرلری بوتبعانک بزی ایصال ایتدیکی نتیجہ بی کوسترمک ایچون یازیپورز.

شورای دولتک قضای وظیفہ سی:

اداری قضا شورای دولت دائرہ سی وعدلی قصادہ عدلیہ محکمہ لری طرفندن تمثیل

واداره ایدیلیر. برنجیسنک وظیفه سی شورای دولت قانونیه، ایکنجیسنک وظیفه سی ده تشکیل محاکم قانونی واونک ذیل وتعدیلاری ایله تعیین ایدیلکده در. هر ایکی قانون تعلق ایتدیکی مؤسسه نك وظیفه سی حقنده بعض احکام وضع ایتکده ایسه ده بو خصوصده قطعی بر وضوح ومعینیت تأمین ایديله مشدر.

شورای دولتک صورت عمومیه ده وظیفه لرینی تعیین ایدن احکام ۲۳ تشرین ثانی ۱۳۴۱ تاریخلی شورای دولت قانوننک اوچنچی فصلنده طوبیلا مشدر. بزم بوراده موضوع بحث ایتدی کمز مسئله منحصرأ اداری قضایه تعلق ایتدیکی ایچون بو وظائفک یالکیز قضایه یعنی اداری دعوالره عائد بولنان قسمی مناقشه ایده جکیز. بو قسم وظائف مذکور قانونک ۱۹ نومرولو ماده سنک آفرمه سنده یازیلیدر. بو فقره ده کوره «رؤیتی محاکم عدلیه نك وظیفه سی خارچنده بولنان مسائل حقنده کی اداری معاملات ومقرراتدن دولایي حقوقی مختل اولانلر طرفندن اقامه اولنان دعوالره» دوغرودن دوغرویه وصورت قطعیه شورای دولتده تدقیق ورؤیت اولنور. بو ماده ده کوره بر دعوانک رؤیتی شورای دولتک وظیفه سی داخلنده اولابیلک ایچون باشلیجه ایکی شرطی جامع بولنسی لازم کلکده در: برنجیسی اورته ده اتحاد ایدیلش اداری بر قرار ویا ایفا اولونمش اداری بر معامله نك موجود اولسی؛ ایکنجیسی ده بو معامله وقرارک، رؤیتی محاکم عدلیه نك وظیفه سی خارچنده بولنان مسائله تعلق ایتسیدر. بو ایکی شرطی آیری آیری تدقیق وتوضیحه احتیاج واردر.

شورای دولت قانونی اداری معاملات ومقرراتدن بحث ایتدیکی حالده بر معامله وقرارک نه صورته اداری بر ماهیت اکتساب ایده جکنی تعیین ایتمه مشدر. حالبوکه بوکا شدتلی بر احتیاج واردر. شو حالده نه کی معاملات ومقررات اداری عد اولنور؟ سؤالی حل ایتلی ز. باشلیجه حقوق اداره مؤلفاری بوسؤالی مناقشه ایدرلر. اک مشهور حقوق اداره متخصصلرندن پروفیسور «هازی بهرتهالی» حقوق اداره شرحنک ۱۹۲۶ تاریخلی صوکنچی طبعنده بو سؤالی اطرافلی بر تدقیقه تابع طوبیور:

«ابتدالده - دیور - هر هانکی بر معامله به اداری دنیه بیلک ایچون حکومتک امریه واونک مراقبه سی آلتنده کی مأمورلری طرفندن اجرا اولونسی لازم کلیدی.

بلا خره بو طرز تلقینک پک عمومی اولدینی و بو خصوصده تفریق ایدیلجک بعض قطعلرک موجود بولدینی دوشوندی . فی الحقیقه اداره ماکنهسی ایکی صورتله حرکت ایدر؛ یا موضوع قانونلرک احکامنه توفیقاً و کندیسنه تودیع ایدیلش اولان قوت و صلاحیته استناداً بعض خصوصاتی امر و بعضیلرینی نهی ایدرکه بواصر و نهیک ایجاب و انتاج ایدیکی بوتون معاملهلر ادا ایدر . یا خود هر هانکی بر و طنداش و باخصوص بر مؤسسه کبی دیگر بر طرفله منافع عمومی ایچون بر مقاوله عقد ایدرکه بو عقدی یابشده هر تقدیرینه اداری بر معامله ایسهده بو ایکی معامله آرسنده ماهیه بر فرق وارددر . برنجی نوع معاملهلر دوغروندن دوغرویه خصوصی و اداری قانونلرک احکامی دأررسنده حل اولنور . ایکنجی نوع معاملهلر ککنجه ؛ بونلر قوانین عمومییه تابعدرلر . فی الحقیقه هر هانکی بر حکومت دأررسهسی خدمات عمومییه ضمنتده بر بیع و یا ایجار مقاوله نامهسی یابدینی زمان بوندن دولابی قانون مدینک احکامی دأررسنده حرکت مجبور اولدیفنده شسبه ایدیلر مز . بو مقاوله نك خدمات عمومییه ضمنتده یاپیلش اولسی مجبوری ازاله ایتمز . برنجی نوع معاملهلر دن متولد اختلافلرک، دعوالرک مرجع حلی شورای دولت اولدینی حالد ایکنجی نوع معاملهلر دن دوغان دعوالری محاکم عدلیه رؤیت ایدر [۱] « پروفور « برتملی » نك بو طرز تلقیسنه « لافهریه Laferrière » ؛ « باتبی Batbie » « دوقروق Ducrocq » ؛ « دارهست Dareste » کبی باشلیجه متخصصلر اشتراك ایتشلردر .

شو حالد شورای دولت قانونلک ۱۹ نجی ماده سنده موضوع بحث اولان اداری معاملات و مقرراتک برنجی نوع معاملاتدن اولسی یعنی حکومتک امریله و اونک مراقبهسی آلتنده کی مأمورلر طرفندن کندیلرینه تودیع ایدیلن قوت و صلاحیته استناداً و موجود و معتبر قانونلرک احکام مخصوصه سنه توفیقاً اجرا ایدیلش بولنسی لازم کلمکدهدر . بناء علیه هر هانکی بر معامله نك اداری بر ماهیتی حائر بولنسی ایچون لاعلی تعیین بر مقام اداری طرفندن خدمات عمومییه ضمنتده یاپیلش اولسی کافی کلهز . بلکه بو اداری مقامک او معاملهی ایفایه قانون مخصوص ایله مأذون اولسی ایجاب ایدر . چونکه آنجق بو

« ه. برتملی » انستیتو اعضاسندن و پارس دارالفنون حقوق فاکولتهسی رئیس . « حقوق اداره شرحی . *Traité élémentaire de droit administratif* » ۱۹۲۶ . اون برنجی طبع . صحیفه : ۱۰۸۷ - ۱۰۹۶ .

تقدیر در که او مقام کنديسنه توديع ايدئش بر قوت و صلاحيتدن بحث ايدم بيلير .
 كذلك بو معامله نك قانون مخصوص احكامنه موافق اولسي اقتضا ايدر . عكسي حاله
 ياييلان معامله فضولي و قانونسز بر ماهيت آلير كه بوكا هيچ بر زمان اداري معامله
 دنيله مز . شو حاله فرضاً دفتر دارلق دائرسي هر هانكي بر مكلفك استهلاك و بر كوسي
 قانونه معين مقدار دن اكسيك و بر ديكني ايلريه سورمه رك و اورته ده و بر كو ضياعي
 اولديغدن بحثله بو و بر كو ضياعي مكلفدن تحصيل اموال قانونه توفيقاً استيفايه قالشسه
 بو صورته ياديني معامله يه اداري بر ماهيت اضافه ايديله مز . چونكه بو يوله و بر كو
 ضياعي موجود اولديني تقدیرده دفتر دارلقك صالح محكمه سنه مراجعه مجبور اولديني
 استهلاك و بر كوسي قانونك احكام مخصوصسي ايجابندن اولديني ايجون دفتر دارلق
 كنديسنه توديع ايدئش بر قوت و صلاحيتدن بحث ايدم مز . هر هانكي بر معامله نك
 اداري اولابلسي ايجون بو معامله نك اداري بر مقام طرفندن كنديسنه مودوع بر
 صلاحيت قانونيه استناداً ايضا اولونسي لازم كلير . كذلك دفتر دارلق قوانين ماليه احكامنه
 توفيقاً تحقق ايتيرديكي و بر كولي تحصيل اموال قانونك وضع و تأسيس ايتديكي اصوله
 تماماً رعايت ايتكمسز ين استيفايه قالششم اولسي تقدیرنده اداري بر معامله ياييلمش
 اولماز . چونكه اداري بر مقامك قانوناً كنديسنه مودوع بر ايشي قانون مخصوصه مخالف
 بر شكلده ايضا ايتسي اداري بر معامله وجوده كئيرمز ؛ بو صورته حقسنز بر فعل
 ياييلمش اولور .

بوتون بويضا حادتن صوكره آكلاشيلور كه شوراي دولت قانونك ۱۹ نجی ماده سنده
 ذكر ايديلن « اداري مقررات و معاملات » تعبيرنك دلالت ايتديكي معامله باشليجه
 ايكي شرطايه مقيد در كه اوده معامله نك صلاحيتدار بر مقام طرفندن ايضا ايدلسي و قانون
 مخصوصه موافق اولسيدر . بو شرطلري حائر اوليان معامله لر حقسنز بر فعلدن عبارت
 قالير و اصلاً شوراي دولتك وظيفه سي داخله كيرمز . بوقيل معاملات معروض قالا ندرده
 عدليه محاكمه مراجعه صلاحيت قازانمش اولور لر .

ماده نك (آ) فقره سي على الاطلاق اداري معاملات و مقرراتي ده شوراي دولتك
 وظيفه سي داخله آليور . بونلرك عيني زمانده « رؤيى محاكم عدليه نك وظيفه سي خارجنده

بولان مسائله تعلق « ایتیمس بولنفسی شرط اتخاذا یدیور . شو حالده نه کی مسائلک رؤیتی محاکم عدلیه نك وظیفه سی خارجنده در ؟

عدلیه محکمه لرینک وظیفه لری تشکیل محاکم قانونیه معیندر . حقوق اصول محاکمه لری قانوننک برنجی ماده سی بویه دیور . تشکیل محاکم قانونی ۱۲۹۶ تاریخی موقت بر قانوندر . بالاخره مختلف تاریخلرده تعدیلاته تابع طوتولشددر . محاکم شرعیه نك الغاسنه و محاکمک تشکیلاتنه عائد احکامی معدل ۸ نیشان ۱۳۴۰ تاریخی و ۴۹۶ نومرولو قانونک اوچنجی ماده سی بو قانون موقت احکامی تعدیل ایتشددر . بو ماده ده دنیلور که : « محاکم اصلیه ، صلح محکمه لرینک صلاحیت قضائیه لری خارجنده بولان قوانین و نظامات موضوعه ایله قابل حکم اولان بالجله دعاوی حقوقیه و جزائیه یی رؤیت و . . . حل ایلر . »

کذلک ۱ مارت ۱۹۲۶ تاریخی جزا قانوننک موقع مرعیه وضعنه متدائر ۲۶ نیشان ۱۹۲۶ تاریخ و ۸۲۵ نومرولو قانونک یوقارده بحثی کچن ۳ نجی ماده قانونیه یی تعدیل ایدن ۲۶ نجی ماده سی ده : « اصلیه محکمه لری - دیور . صلح محکمه لرینک صلاحیتی خارجنده قالان بالجله حقوق و تجارت و جزا دعوالرینی اصول و قانونه توفیقاً قابل تمیز اولمق اوزره کوریر . » ایشته ۱۲۹۶ تاریخی تشکیل محاکم قانوننک محکمه لری وظیفه لرینه متدائر اولان ماده لرینک صوک و قطعی شکل معدلی بوندن عبارتدر .

قانونک بوماده لرندن آکلاشلدیغنه کورر محاکم عدلیه نك « قوانین و نظامات موضوعه ایله قابل حکم اولان بوتون دعوالری رؤیت ایتیمی لازم کلمکده در . بو صورتله مرعی قانون و نظاملرله حکمه ربطی ممکن اولان هر نوع مسائل دعوایه بر موضوع تشکیل ایده بیله جک و بالتیجه محاکم عدلیه نك وظیفه سی داخلنه کیره جکدر . شو حالده بالعموم مسائلک و بوتون دعوالرک محاکم عدلیه جه رؤیت ایدیلسی و اونک وظیفه سی خارجنده قالاماسی لازم کلمکده در . زیرا : هر مسئله دونوب دولاشوب قوانین و نظامات موضوعه ایله قابل حکم بر ماهیت عرض ایده جکدر .

آکلاشیلور که واضع قانون هر نوع دعوانک رؤیتی محاکم عدلیه نك وظیفه سی داخلنه آلمنی بر پرهنسیب اوله رق قبول ایتشددر . بو پرهنسیبی تأیید ایدن باشلیجه ایکی متن ده ذکر ایده جکیز ؛ تشکیلات اساسیه قانوننک ۶ نجی و قانون مدینک ۲۴ نجی ماده سی . برنجیسنه کوره « حق قضا ، - ملت نامنه - اصول و قانونی دأتره سنده مستقل

محاکم طرفندن استعمال اولور . « ایکنجیسی ده : « شخصی منفعتلرنده حقسن بر تجاوزه اوغرایان بر کیسه - دیور - حقسن تجاوزک منعی حاکمدن طلب ایده بیلیر . » بو ایکی ماده قانونیه صورت قطعیده « محاکم » دن و « حاکم » دن بحث ایتمکده در . حالوکه محاکم و حاکم تعیرلری منحصرأ محاکم عدلیه محقده موضوع بحث اولابیلیر . شورای دولت و اونک دعوا رؤیته مأذون اولان دعاوی دائرهسی هیچ بر زمان تام معناسیله محاکمندن معدود دکدر و اونلرک رئیس و اعضالری حاکم عدایده مزلر .

محکمه تمیز اجتہادلریده بو پرنسپیی تقویه ایدیور . بر جوق تمیز قرارلری واردر که علی العموم دعوارک رؤیتی محاکم عدلیهک وظیفهسی داخلنده عدایدرک وظیفه خارجنده قرارلری و بره بیلدک ایچون محاکم عدلیهک حق قضاسنی سلب ایده جک صریح حکم قانونی آراسنی لزوم کوسترمکده در . [محکمه تمیز برنجی حقوق دائرهسی ، ۲۵ ایلول ۱۹۲۷ تاریخ و ۱۸۳۰ نومرولو قرار] .

اجتہادات محاکم ایله ده مؤید اولان بو قانونی قاعده عمومیهیی بو صورته نثیت ایتدکن صوکره بحق دیه بیلیرک شورای دولت قانونسک بو ماده سنده کی (آ) فقره سنه کوره هیچ بر دعوانک شورای دولته کیتسنه امکان قالماشدر . هر حالده واضع قانون قضای ادارینک محاکم عمومیه نظرأ استثنایی بر ماهیت طاشیدیغنی نظر دفته آلهرق نه کی مسائل حقنده متخذاداری معاملات و مقرراتدن حقوقی مختل اولانلرک شورای دولته مراجعت ایده جکنی تصریح و تعداد اتملی ابدی و « محاکم عدلیهک وظائفی خارجنده بولنان مسائل » ایله نه قصد اولوندیغنی واضحأ کوسترمیلیدی . اساسأ قوانین خصوصیه ؛ وجوده کتیردکلری مؤسسهلرک وظیفه لرینی قطعاً و صراحة تعداد و تعیین صورته اراثیه مجبوردرلر . قانونلرک طرز تنظیمنه تعلق ایدن عمومی احکام بونی امر ایدر . محاکم عدلیه ملتنک حق قضاسنی تمثیل ایتدیکی ایچون اصل اولان قاعده قضایه تعلق ایدن هر ایشک بونلرک وظیفه سی داخلنده بولنسندن عبارتدر . ناصل که یوقارده قانونی متلرله ده بونی کوسترمکه چالیشدق . بناء علیه عمومی قضادن اداری قضایی آیرمق لازم کلنجه قاعده اصلیه دن آیریلن اولاجغمز ایچون استثنایی بر صفحه داخل اولوروز دیمکدر . استثنایی کندی موردینه حصر اتمک لازم کلدیکنه کوره بو موردی واضحأ و قطعاً و علی المفردات بیلیمکه احتیاج واردی .

شورای دولت قانونسک عینی ماده سنده کی (د) فقره سی ده اداری دعوالردن بحث

ایدیور. بوفقره‌ی ده‌ها واضح بولیورز. چونکه هیچ اولمازسه بوراده علی الاطلاق «اداری معاملات ومقررات» دن بحث ایدیلشدر. آنجق بوفقره عمومی بر قاعده وضع ایتیمور. بوراده اداری معاملات ومقررات حقنده صلاحیت وشکل واساس ومقصد جهتلرندن بریله قانونه یاخود نظامه مخالفتندن دولای ابطالی ایچون علاقه‌دارلر جانبندن اقامه ایدیلن اداری دعوالردن منحصرأ وکیلارک، والیرک، مقررات ومعاملاتی علیهنده اولانلر ذکر ایدیلشدر. بونلرک خارجنده قالان دعوالر ایچون ینه (آ) فقره‌سره مراجعت مجبوریتنده قالیورز.

دها آشایده ۲۲ و ۲۳ نومرولو ماده‌لر کلیور. بونلرده اداری دعوالردن بحث ایدیورلر. ۲۲ نجی ماده‌نک (۱) نومرولو فقره‌سی. «اداری مقام وهیتلردن صادر اولان معامله وقرارلر حقنده صلاحیت وشکل واساس ومقصد جهتلرندن بریله قانونه ویاخود نظامه مخالفتندن دولای علاقه‌دارلر طرفندن اقامه اولنحق ابطال دعوالری» نک رؤیتی شورای دولتک دعاوی دائره‌سی هیئت علیه‌سره تودیع ایتشدر.

بوفقره‌ده علی الاطلاق اداری معامله وقرارلردن بحث ایتکه ۱۹ نجی ماده‌نک (آ) فقره‌سنده کی تشوشه دوشمه‌مشدر. تعاق ایتدیکی مسئله نه اولورسه اواسون بوتون اداری معامله وقرارلری وظیفه داخله‌آلشدر. آنجق دعوانک ماهیتی اعتباریله برقید وضع ایدیور. ابطال دعواسی. شو حالده ابطال دعواسی ماهیتنده بولنیمان اداری دعوالر بوفقره‌نک احکامی خارجنده قالیور دیمکدر. حالبوکه بر چوق اداری دعوالر اولابیلیرکه بونلری «ابطال دعواسی» عد ایدمه‌یز. چونکه «ابطال دعواسی» حقوق بر اصطلاح اولوب کندیسنه مخصوص بر مفهومی واریر. هر دعوا بومفهومده داخل دکلدر. مثلاً: منع مداخله دعواسی، حقسز بر تجاوز و تعرضک دفع ومنی دعواسی هر حالده ابطال دعواسی صایلاماز. ابطال دعواسی ده‌ها زیاده ایضا واجرا ایدیلش بر معامله‌نک حکمدن اسقاطی، کأن لم یکن عدی طلبنی احتوا ایدر. بواعتبارله بو دعوا تمام اولش اداری بر معامله وقراردن صوکره وبونک علیه‌ن اقامه ایدیلیر. حالبوکه بعضاً اداری معامله هنوز تمام ایضا ایدیلشمش ایکن بونک اجراسنی منع ایتک، بوکا مانع اولوق ایجاب ایدر. بوتقدیرده حقسز وغیرقانونی بر معامله قارشیسنده بولنلدینی ایچون یابیللاجق دعوا منع مداخله ویا دفع تعرض طلبندن عبارت قالیر. چونکه هنوز اداری معامله ایضا وانتاج ایدیلشمش اولدینی ایچون اورته‌ده ابطال ایدیله‌جک برشی یوقدر.

کورولپور که شورای دولت قانونك ۲۲ نجی ماده‌سنده‌کی (۱) نومرولو فقره ابطال
دعوالرینه منحصر قاهره اداری معاملات ومقررات حقنده‌کی بالعموم دعوالری احتوا
ایتمور. واضع قانونك عمومی بر تعبیر قوللانا مقسزین دعوالری « ابطال » کله‌سیله تقید
ایتمی بوکا دلالت ایدر .

۲۳ نجی ماده‌یه کلنجه : بوراده‌ده قانوناً معین مرجع قضائیی بولونمایان « اداری
دعوالرك بدايةً و صورت قطعی‌ده شورای دولته رؤیت » اولنا جغندن بحث ایدلمکده‌در.
یوقارده‌کی تفصیلاتدن سوکره بو ماده‌نك وضعیتی تبدیل ایدمه‌یه‌جکی قولایقله تقدیر
اولنه‌بیلیر. فی الحقیقه قانوناً معین مرجع قانونیی بولونمایان اداری دعوالر هانکیلریدر؟
۱۹ نجی ماده‌نك (آ) فقره‌سنی تدقیق ایدرکن باشلیجه قانونی متلره استناداً بالعموم
دعوالرك محاکم عدلیه‌جه رؤیت ایدیلسی واونك وظیفه‌سی خارجنده قالامامسی لازم
کدیکنی کورمشدك. شو حالده علی‌الاطلاق هر دعوانك معین بر مرجع قضائیی
واردر که اوده محاکم عدلیه‌در. بناءً علیه ۲۳ نجی ماده ؛ تشکیل محاکم قانونك تعدیلات
اخیره‌سیله تألیف ایدیله‌مز. بر طرفدن بوتعدیلات بوتون دعوالر ایچون محاکم عدلیه‌یی
مرجع کوسترکن دیکر طرفدن قانوناً معین مرجع قضائیی بولونمایان اداری دعوالردن
بحث ایتمک توحاف دوشیور .

میرصد : قانونی متلره کوره علی‌الاطلاق بوتون دعوالرك مرجع رؤیتی محاکم
عدلیه‌در. و بزده‌کی قاعده‌ اصلیه هر دعوانك بو محکمه‌لرده رؤیت ایدیلسی آمردر .
شورای دولت قانونك اون طقوزنجی ماده‌سنده‌کی (آ) فقره‌سی ایله ۲۳ نجی ماده‌نك
طرز تحریری اداری دعوالرك شورای دولته کورولسنی تأمین ایدمه‌یور. واضع قانونك
مقصدی نه اولورسه اولسون، بوقره و ماده‌نك افاده ایتدیکی مفهوم بوندن عبارتدر.
۱۹ نجی ماده‌نك (د) فقره‌سیله ۲۲ نجی ماده‌نك (۱) نومرولو فقره‌سنه کلنجه : آنجق
بونلرك دلائله‌در که اداری دعوالرك بعض قیود دائره‌سنده شورای دولته رؤیت ایدیلسی
لازم کدیکی آ کلاشیلور. شو قدر وارکه بودعوالرك هر هانکی براداری معامله وقرارك
ابطالنه متوجه اولمسی‌ده شرطدر .

آووقات

صدی صلیم